



საქართველოს იუსტიციის მაღლამი საბჭო

ქ. თბილისი № 1/240

“ 23 ” დეკემბერი 2020 წ.

გ ა ნ კ ა რ გ უ ლ ე ბ ა

ზუგდიდის რაიონული სასამართლოს მოსამართლეების ნ. აკობიასა და ი. აბშილავას
გალი-გულრიფშისა და ოჩამჩირე-ტყვარჩელის რაიონულ სასამართლოში მივლინების შესახებ

გალი-გულრიფშისა და ოჩამჩირე-ტყვარჩელის რაიონულ სასამართლოში მოსამართლის ერთი საშტატო ერთეულია, რომელიც 2020 წლის 18 ნოემბერს დასრულებული მოსამართლეობის კანდიდატების შესარჩევი კონკურსის შედეგად ვერ შეივსო და ვაკანტური დარჩა. შესაბამისად, საქართველოს იუსტიციის უმაღლესი საბჭოს 2020 წლის 23 დეკემბრის სხდომაზე განხილულ იქნა აღნიშნულ სასამართლოში მოსამართლის მივლინების საკითხი.

„საერთო სასამართლოების შესახებ“ საქართველოს ორგანული კანონის 37¹ მუხლის მოთხოვნების გათვალისწინებით, გალი-გულრიფშისა და ოჩამჩირე-ტყვარჩელის რაიონულ სასამართლოში, მოსამართლის მივლინების მიზნით, უფლებამოსილების განხორციელების წინადადებით მიემართათ ტერიტორიულად ყველაზე ახლოს მდებარე ზუგდიდის რაიონული სასამართლოს მოსამართლეებს. მივლინებასთან დაკავშირებით მიღებულ იქნა მოსამართლე ნატრული აკობიას თანხმობა სისხლის სამართლის სპეციალიზაციის საქმეთა განხილვაზე და მოსამართლე ირაკლი აბშილავას თანხმობა - სამოქალაქო და ადმინისტრაციული სპეციალიზაციის საქმეთა განხილვაზე. აღნიშნული მივლინება არ გამოიწვევს მოსამართლეთა სამუშაო ადგილის ცვლილებას, რადგან გალი-გულრიფშისა და ოჩამჩირე-ტყვარჩელის რაიონული სასამართლო განთავსებულია ზუგდიდის რაიონული სასამართლოს შენობაში.

აღნიშნულიდან გამომდინარე, „საერთო სასამართლოების შესახებ“ საქართველოს ორგანული კანონის 30-ე მუხლის პირველი პუნქტისა და 37¹ მუხლის პირველი და მე-2 პუნქტების შესაბამისად, 2020 წლის 24 დეკემბრიდან 2021 წლის 23 დეკემბრის ჩათვლით:

1. ზუგდიდის რაიონული სასამართლოს მოსამართლე ნატრული აკობია მივლინებულ იქნეს გალი-გულრიფშისა და ოჩამჩირე-ტყვარჩელის რაიონულ სასამართლოში სისხლის სამართლის სპეციალიზაციის მოსამართლის უფლებამოსილების განსახორციელებლად.

2. ზუგდიდის რაიონული სასამართლოს მოსამართლე ირაკლი აბშილავა მივლინებულ იქნეს გალი-გულრიფშისა და ოჩამჩირე-ტყვარჩელის რაიონულ სასამართლოში სამოქალაქო და ადმინისტრაციული სამართლის სპეციალიზაციის მოსამართლის უფლებამოსილების განსახორციელებლად.

3. ნატრული აკობიამ და ირაკლი აბშილავამ იმავდროულად მოსამართლის უფლებამოსილება განახორციელონ ზუგდიდის რაიონულ სასამართლოში.

ნიკოლოზ მარსაგიშვილი

საქართველოს იუსტიციის
უმაღლესი საბჭოს მდივანი